



Châng thlan: *Hebrai 9:11, 12.*

Zirlâite tân:

Hriat tûr: Adventist thurin pawimawh zualten Adventist nihna leh Kristaa inpumkhat vek kan nihzia a târ lan dân chu an hria ang.

Vei tûr: Bible thutak hi mi tipumkhattu a nihzia hriain a hlutzia an hrethiam ang

Tih tûr: Thlarau Thianghlimin an nuna thutak a seng luhtîr an inphal ang a, chu chuan an ni tin nunah nghawng a nei thei dân a ni.

THUPUI THEN

I. Hriat tûr: Nihna, thutak leh inpumkhatna

- A Eng tiangin nge chanchin thaa thil pawimawh tak tak awmte hian kohhran inpumkhatna atân hna an thawh hlawm?
- B Adventist thurin a pawimawh zualte chu engte nge ni? Chûng thurin danglam bikte chu eng vâng a lo pawm nge i nih?
- C Adventist nihna tilangtu thurinte nia i hriatho kha ngun takin ngaihtuah la. Chûngte chuan eng tiangin nge kohhranah inpumkhat a thlen?

II. Vei tûr: Thuchah thuhmun puan a thatnate

- A Enga ti nge Pathian hian ama chungchâng pawh ni lo thil dang eng eng emaw hi Bible-ah hian a lo puan chhuah?

B Bible-in a sawi thurin pawimawhte nia ngâiho pâwl khata awm tlân hi eng nge a hlutna awm?

III. Tih tûr: Mahni nuna thutak seng lûtin

A Eng vângin nge thutak chu keimahni nun ngeia seng luh vek a pawimawh?

B Eng tin nge thutak chu kan ni tin nun dân nghawng thei tûrin keimahni nunah kan seng luh theih ang?

C Hei hi i nuna a taka a lo thlen theih nân eng thilte nge i tih ngâi awm?

KHÂIKHÂWMNA: Seventh-day Adventist-te hian chhandamna leh Kristiante inpumkhata Krista thihna leh thawhlehnain hmun a chan thûkzia an hre Chiang a. Chu mai chu ni lovin, Pathian chuan Bible-ah hian amah nêh leh kan mihringpuite nêna inlaichînna tha tak kan neih theihna tûra thil pawimawhte pawh a puang chhuak a ni tih an hrethiam bawk. Hêng thurinte hian kan nihna leh kan rawngbâwl chhan chu a hrihfhah a ni.

INZIRTÎR DÂN TÛR

RAHBI 1—Chawk phûr rawh

Bible châng thlûr bing tûr: *Tirhkohte 4:10–12.*

Thlarau thanna atâna thu pawimawh: *Kristian thurinte thupêk, Kristian tawh phawt chuan an zawm ngei ngei tûra tih a ni lo va. An Kristianpuite nêh te, Pathian nêh te leh an mihringpuite nêna an inlaichînna siam thatu nun an neih theihna tûra inkaihhraina a ni zâwk. Chutiang chu a nih avângin kan thurinte hian rinnaa kan inpumkhat theihna tûrin hna an thawk rêng a ni.*

ZIRTÎRTÛTE TÂN BÎK: Bible hian inpumkhatna tih leh inantlânna tih hi thuhmun ni angin a sawi lo tih hriat tûr a ni a. Kristiante chuan thurin pawimawh eng enge emaw an pawm tlâng ang tih lam hawi chuan a sawi thung, chumi ina inpumkhatna a thlen chuan khawvêl hnênah thuchah pawimawh tak a thlen dân bawk a ni.

A hnuai a sawi hawna a tang hian a chng chuan mi pakhat chauhin a tih theih loh hi a huhova tih theih a nihzia hre trin min pui ang.

A sawi hawn nân: Infiamna chi hrang hrang zinga a tam zawkah hi chuan a lo thlirtute an pawimawh khawp mai a, lo au nasat dân azirin inkhêlate chu an chakin an chak lo thei tlat. Entir nân, kum 2010-a Vancouver Olympic Games hawna inkhawmah pawh khân stadium lâi takah êng pakhat chhit a ni a, chu êng chu êng dang tam tak, tuipui fawn ang deuha lang hian an rawn zui dûl dûl a. Chu êng chuan field sir a rawn thlen ve leh stadium-a awm zawng zawngte chu an thutna lane indawt dân ang zêla anmahni êng ken lo tilang ve tura hrilh a ni a, tichuan êng chu kal kual ruih ruih angin a lang dawn a ni.

Hmun thenkhat chuan inkhêl entute chu lekhakhawng phêk khat theuh, rawng chi hrang hranga siam chu an pe thung a. Chu an lekhakhawng phêk ken chu lek kân hun tr an rawn hrilh hunah an lêk kâng sup sup trin. Chutianga mi sang tel teh meuhin thil an tih chuan khawvel hmun hranga anmahni lo thlirtute hnênah thuchah emaw, chhinchhiahna eng emaw a pe trin a ni.

Chutianga thil an tih tlan avang chuan mi pakhat lekin a tih theih loh tr thil lian leh mawi tak an lo ti thei ta trin. Pathian chuan kohhran thiltihtheihna nêna thuchah puang tura thawk tlang trin a ko va, chutianga an thawh tlan chuan mi pakhat chauhin a tih theih loh tr kha an ti thei dawn a ni. Isuaah pawh a ni anga thutaka kan inpumkhat a, kohhran rawngbawlina rilru kan pek tlan hian chanchin tha thiltihtheihna ropui tak chu khawvel hnênah Chiang takin kan lantir thei ang.

Sawi ho trte: Nangmah chauha i tih theih loh tr mi dangte nêna in tih ho avanga hlawhtlinna in chan tak tum i tawng tawh em? In tihhlawhtlin chu eng nge ni? Mi dangte nêna thawh ho chu a nuam i ti em? In hlawhtlinna atana rilru puthmang pawimawhte chu engte nge ni?

RAHBI 2—Zawng chhuak rawh

ZIRTÛTE TÂN BÏK: He section hian thurinte leh thurinten kohhran chhûnga inpumkhatna a thlen dân chu thurinten inlaichînna leh nihnaa nghawng a neih dân târ lanna hmangin a inzawm dân sawi a tum dân a ni.

ZIR ZAUNA

I. Inpumkhatna leh Chanchin Tha (Tirh. 4:8–12)

Kristian sakhaw thurina a laimute hi Isua nêna inzawmna nei vek a ni hlawm a. Mihringa a lo channa, a nun, a thihna, a thawhleha leh vâna rawng a bawl-na-te hian Pathianin a thil siamte nêna inlaichînna neih a châkzia a tilang. Isua chu he inlaichînna a thlen theih nân hian inremna siamtu lo niin, mihringten thil soal tih kan thlan avânga a nghawngte chin fel nân kraws-ah a thi a. Nimahsela, a thihna chuan Pathian nêna min inremtîr leh ta a ni mai lo.

Baptisma changa Krista nêna kan lo inpumkhat chia hian kan ringtupuite nêna pawh kan lo inpumkhat ve nghâl baw a ni. Chuvâng chu a nia Paula pawhin Isua thihna khân mi dâidangtu pindan a tichim tawh tih a sawi rêng a ni (*Efesi 2:14*). Pathian nêna inrem kan lo nih chia hian kan ringtupuite nêna inrem ve tûra koh kan ni nghâl baw. Kohhran inpumkhatna hi Isua thihna zârah chauh a thleng thei a ni.

Ngun takin ngaihtuah teh: Eng tiang kawngtein nge Isua thihna khân kan mihringpuite nêna kan indâidaina bangte a lo tihchim ve tawh? Eng tiangin nge Kristaa inpumkhatna chuan kohhran member dangte nêna in inlaichînnaah nghawng a neih?

II. Inpumkhatna leh thutak (Matthaia 25:1–13)

Bible chuan kohhran hi inpumkhat tûrin a ko a, chutih rual chuan thutak chu nghet taka vuan tlat tûrin a hrilh tho baw. Hei hian tuilâirapa mi a awmtîr theihna lâi a awm a. Thutak hi, a nihphung rêngah, thil dang laka hrang hlak, eng mahin a pawlh

dal loh a ni a. Thutak zawng tûr chuan thu dik lo hnâwl a ngâi a, thianghlimna nêna inzawm nih a ngâi bawk. Chuvângin thutak chu thil dang laka hrang leh hlang tak angin hmuh theih a ni ta rêng a ni. A lehlamah, inpumkhatna chu a nihphûng rêngah pawh huap zau tak a ve thung a. Chutiang chu a nih avângin inpumkhatna chungchâng sawi a nih hian thutak ngaihtah rak khawpa inpumkhatna sawi uar a nih loh vêk leh, inpumkhatna ngaihsak lo lêk khawpa thutak sawi uar a nih châng a awm fo rêng a ni. Chuti a nih chuan, eng tiangin nge hêng thil pahnihte hi inbûk tâwk takin kan kalpui theih ang? Kan kalpui theih dân tûr thenkhat chu Bible-in thutak a sawi hi eng nge ni tih zir chianna aţangin ka hre thei dâwn a ni.

Thuthlung Thar lehkhabute hian thutak nihphung leh a hnathawh chungchâng a thil pawimawh tak mai min hirh a. A chungah pawh kan sawi tawh angin Isua chu “thutak” a nih thu (*Johana 14:6; 18:32, 37*) a sawi rualin, Pathian Thu (*Johana 17:17*) te, dân thu (*Rome 2:20*) te, chanchin ţa (*Efesi 1:13*) te leh tirhkohte zirtîrna (*2 Thess. 2:13–15*) te bâkah, thurin dik (*2 Tim. 4:2–4*) te pawh thutak niin a sawi ve tho bawk. Amaherawhchu, thutak hi rilru-a hriatna leh pawmna kan neih ang mai hi a ni lo. Kan nunah kan seng luh a, kan nungchang thlâk danglamtu atâna kan hman a ngâi a ni.

Isua chu a lo kal leh thuai dâwn a ni tih hre ringawt mah ila, chumi kan hriatna chuan kan nun dân a tihdanglam emaw, a lo kal lehna tûr atâna inbuatsaihna min neihtîr chuan si loh chuan awmzia a awm lo vang. Chutiang chiah chuan, kan nun hian mi dangte hnênah hmangaihna êng a chhi lo a nih chuan keimahniah thutak a awm lo tih kan lantîr niin Johana chuan a sawi (*1 Johana 2, 3*). Thutak chu pâwm lam thil leh a hriata hriatna mai a nih chhông chuan, thutak leh inpumkhatna hi a insual reng mai dâwn a ni. Nimahsela, thutak chu Thlarau Thianghlim ţanpuina nêna kan nuna kan seng luh hunah chuan thutak chuan Pathian nên leh kan bula mite nêna kan inlaichînnaah nghawng a rawn nei ang a, kohhran pawhin inpumkhatna lam a hawi thei ang.

Ngun takin ngaihtuah teh: Eng tin nge nula thianghlim sâwm tehkhin thu hian thutak chu kan nuna kan seng luh a ngaihzia a lan-tîr? Eng tin nge thutak chu kan nunah kan seng luh ang? Eng vângin nge thutak hi kan nuna seng luh a harsat êm êm? Eng tiang kawngtein nge tûn kâr zirlâia thurin kan zir tâkte khân Pathian nêh leh mi dangte nêna in inlaichînnaah nghawng a neih?

III. Inpumkhatna leh Adventist thurinte (*Exodus 20:8–11 leh 1 Korin 15:51–54.*)

Thutak chuan chhông lama insiamthatna hmangin inpumkhatna a rawn thlen a ni mai lo va. Nihna leh rawngbâwlna thuhmun a hring chhuak bawk a ni. Kan nihna chu a hmasa ber leh pawimawh berah chuan Kristaah leh Kristan kan tâna min tihsak tawhah a ni a; mahse Seventh-day Adventist Kristian kan nihna anga nihna thuhmun kan neih siam chhuaktu thurin laipuite pawh kan nei tho bawk. Chông thurin bulpuite zîngah chuan kohhran sûlsutu hmasaten Thlarau Thianghlimin anmahni hnêna a puan chhuah nia an rinte pawh a tel a.

Hêng thurinte hian Pathian nihna leh keimahni nihna kan hriatthiam dânah inpumkhatna min thlen thei nghe nghe. Entîr nân, ni sarìh ni Sabbath chu chawlhni dik tak a ni tih kan hriat tlân avângin Pathian chu lei leh vân zawng zawng chungga thuneitu a ni tih hriain kan inpumkhat phah a ni.

Keini hi chu thil siam ve mai, min siamtu Pathiana inngat kan ni tih min hriat nawntîr a. Sabbath chu Tlanna hriat rengna a nih bawk avângin chhandamna chu keimahni thawh chhuah a ni lo va, Krista thawh zâwk a nihzia hria leh pawmin kan inpumkhat bawk a ni. Vân biak bûka Krista rawngbâwlna chuan Pathian khawngaihna leh lainatna mamawh chhunzawm reng kan ni tih hriatna lamah mi a tipumkhat bawk a, chutih rual chuan Pathian hmaah chuan huai takin kan ding tlâng thei a ni tih min hriatîr bawk. Thih hnua kan awm zui dân nia kan hriat hian mihringte hi tâwp chin nei leh kan nunna tûra Pathiana inngat pumhlûm kan nihzia hriatîrna hmangin min phuar khâwm a.

Chutih rual chuan, Thawhlehma leh Isua Krista lo kal lehna chungchânga kan rin dân hian hmangaihna leh khawngaihnaa khat Pathian nêna chatuan hun hman ho kan beiseina chuan mi a tipumkhat bawk. Hêng kan thurin hrang hrangte hian Seventh-day Adventist kan nihzia a tilang a ni mai lo va, Krista mamawh leh amaha beisei nei mi sual theuh kan nihzia pawh min hriat nawntîr bawk a ni.

Ngun takin ngaihtuah teh: Eng vângin nge nihna thuhmun/ințâwm neih hi a pawimawh viau? Chu chuan eng tiangin nge kohhran rawngbâwlnaah nghawng a neih? Eng tin nge hêng thurinten kan nihna min siamsak hian chapo tak emaw, mi dangte laka inla hrang daih emaw lo tûrin min vên? Eng tiang kawngtein nge tûn kêra thurin kan zir tâkte khân Pathian leh keimahni chungchâng kan hriatthiam dânah mi a tihpumkhat sawt?

RAHBI 3—A taka nunpui tûr

ZIRTÎRTÛTE TÂN BÎK: Thutak leh thurin hi a tak ram thleng tak tak thei lo rawtna, thutak leh inpumkhatna sawi ni khuua pawha tizûzi zêltu angin hmuh a ni fo a. Nimahsela, thurin hi a taka nunpui theih loh emaw, awmzia pawh nei lêm lo emaw a ni lo. Pathian nêna leh kan bul vêla awm ve mi dangte nêna kan inlaichînna tițha sawt tûra duan a ni zâwk. Chuvâng chuan thurin hi a taka nunpui chi a nihzia leh thutak nei Kristian nun chu eng ang nge tih hi uar takin sawi ang che.

Sawi ho tûrte:

- ① Kan inpumkhatna hnâr chu Isuaa nun kan ințâwm hi a nih chuan eng vângin nge kan thurin hian khawvêl hnêna inpumkhatna kan lantîrna kawngah danglamna a siam ang?
- ② A pawimawh bera Krista dahna inpumkhatna chuan Pathian thu pawm leh hrihfiah dânah kan ngaihdân min țawmpui ve lotute kan hmuh dânah eng tin nge nghawng a neih ang?

- ③ Eng tin nge Isua chu thutak a ni tih thu hian thutak leh inpumkhatna kan kan hriatthiam dânah danglamna a thlen ang?
- ④ Thutak chu Isuaa a awm anga nunpui tih hi eng nge ni a awmzia? Chu chuan eng tin nge inpumkhatna kawngah nghawng a neih? Kan thurinte zînga pakhat hi thlang chhuak la, chu thutak chu Isuaa awm angin eng tin nge a awm ang?
- ⑤ Seventh-day Adventist Kohhran thurinte zînga eng ber hian nge ringtu dangte nêna inpumkhatna kawngah tanpui nasa che a, eng tin nge a tanpui che?

RAHBI 4—Boruak siam rawh

ZIRTÏRTÛTE TÂN BÏK: Ringtute zînga tam tak hi chuan thurin hi baptisma an chan dânna zirtÏr an nih lâi chauhin an ngaihtuah thîn a. A nih loh leh, an lâwina kohhranin rawngbâwlna program a siama an inkhâwm ve tum chauhin an hre chuak thîn bawk. I class member-te kha nunna thutak chu Isuaa a awm ang leh khawvêl hnêna inpumkhatna lantÏra thupêk an nihna chu hlenchhuah dân an ngaihtuah paha ngunthlûk leh zuala thurin pawimawhna hmu thei tûrin pui rawh.

Tih tûrte: In class-ah kan Kohhran thurin 28-te inziahna lehkha phêk rawn keng la. Chûng thurin 28-te chu a mal malin ngun takin zir ang che u. Chûng thurin hrang hrangte chuan Pathian chungchâng eng tin nge an sawi a, eng tin nge chûng thurinte chu ni tinin nunpui theih a nih a, eng tiangin nge kohhran inpumkhatna kawngah hna a thawh tih pawh ngaihtuah ang che u.